

**OVERCOMING THE ENEMY
BIDIM DET ENAMI**

**ARMOUR OF GOD
DET SPESHALWAN KLOS BLANGA GOD**

A. We are in a spiritual world and battle. Eph 6:12

A. Wi langa dis spirit wel weya wi oldei faitfait ola nogudbala spirit. Ifishans 6:12

¹² Yumob garra yusum ol detlot ting blanga God jis laiga solja weya im yusum ola ting blanga fait. Bat wi nomo fait langa pipul. Wi oldei fait langa ola dibuldibul en langa ola nogudwan spirit en langa ol detkain ting weya kamat brom dakbala en meigim miselp bos. (Ifishans 6:12)

1. The spiritual world is as real as the physical world.
Det spirit wel im seim laigim dijan wel weya wi jidan.
2. Satan wants us to believe he is not there.
Seitin wandim wi bla bilib im nomo deya.

B. Know who your enemy is. 1 Pet 5:8

B. Yu garra sabi hu yu enami. 1 Pida 5:8

Yumob garra wotjim miselp

⁸ Wal yumob garra jingabat gudbalawei en wotjim miselp, dumaji det boswan dibuldibul na det enami blanga yumob, en im oldei go ebriweya jis laiga hanggriwan laiyan weya im go lukabat daga blanga dagat, dumaji im oldei lukabat enibodi blanga deigidawei im brom God. (Fes Pida 5:8)

1. It's important that we know his plans and strategies.
Im meinwan bla sabi ola plen en ola kuninbala trik blanga det boswan dibuldibul.
2. Satan has different strategies for different parts of the world and for different people
Seitin garram difrinkain wei bla trai en trikibat bla difrinkain pipul en difrinkain pleis langa dijan wel.

C. Know God’s power can help you. 1 Jn 4:4; Jer 32:17, 27

D. Yu garra sabi God’s pawa gin album yu.

⁴ Wal main biginini olabat, yumob blanga God, en yumob bin bidim detlot laiynwan titja, dumaji det Holi Spirit weya jidan insaid langa yumob im mowa strongbala langa det spirit weya jidan langa detlot pipul hu blanga dijan wel. (Fes John 4:4)

¹⁷ “YAWEI det boswan God, yu na bin meigim dijan graun en det skai garram yu haibala pawa. Nomo enijing im adwan blanga yu.

²⁷ “Mi na YAWEI det trubala God blanga olkain pipul. Nomo enijing im adwan langa mi. (Jeramaiya 32:17,27)

1. Satan is a **created being??** like us. His power does not compare to God’s.

God bin meigim Setin, jis laik imbin meigim wi. Seitin’s pawa nomo laik Dedi God’s. (to be checked over)

2. We can trust in God’s power available to us.

Yu gin trustim Dedi God’s pawa, wi gin oldei askim im bla det pawa, en im friwan.

E. Know how to fight. Use the armor of God. Eph 6:10-17

E. Sabi bla fait. Yusum det speshalwa klos blanga ola Kristjan pipul. Ifishans 6:10-17

Detlot speshalwan klos blanga ola Kristjan pipul

¹⁰ Wal wanmo ting ai garra dalim yumob. Yumob garra meigim miselp strongbala garram Jisas Kraiss det bos blanga wi en garram det brabli strongbala pawa blanga im, ¹¹ en yumob garra yusum ola ting weya God oldei gibit langa yumob blanga bidim det boswan dibuldibul en ola nogudwan trik blanga im. ¹² Yumob garra yusum ol detlot ting blanga God jis laiga solja weya im yusum ola ting blanga fait. Bat wi nomo fait langa pipul. Wi oldei fait langa ola dibuldibul en langa ola nogudwan spirit en langa ol detkain ting weya kamat brom dakbala en meigim miselp bos.

¹³ Wal yumob garra oldei werrimon detlot ting brom God jis laik det solja weya im oldei werrimon detlot speshalwan klos blanga fait, en if yumob jidan redi lagijat ebridei, wal wen det dibuldibul kaman langa yumob blanga trai en deigidaweiy yumob, yumob garra jidan redi blanga det fait garram im, en yumob garra bidim im en nomo nokap.

¹⁴ Wal ol dislot ting na yumob garra werrimon jis laik det speshalwan klos blanga fait. Det trubala wed blanga God im jis laiga belt weya meigim ebrijing fit, en yumob garra werrimon det belt brabliwei. En yumob garra oldei dum ebrijing raitwei du, dumaji wen yumob jidan lagijat, im jis laik yumob werrimon det speshalwan shet weya enijing kaan ardim yu insaid langa hat.* ¹⁵ En yumob garra oldei jidan redi blanga go en dalimbat det gudnyus, dumaji det gudnyus na garra meigim pipul jidan gudwei. En yumob garra jidan redi jis laik det solja weya im oldei werrimon im but redi blanga fait.* ¹⁶ En yumob garra oldei bilib brabliwei en nomo larram enijing brom det boswan dibuldibul tatjim yu jis laik det solja weya im yusum det shild blanga stapam enijing weya det enami tjakambat langa im. ¹⁷ En yumob garra oldei jingabat weya God im seibum yumob, dumaji wen yumob jingabat lagijat, im jis laik det speshalwan het weya det solja oldei werrimon blanga stapam enijing

brom kilimbat im langa hed. En yumob garra garrimap det wed blanga God langa yumob main, dumaji im jis laik det bigbala naif weya det solja oldei garrimap, en det Holi Spirit bin gibit yumob det naif. (**Ifishans 6:10-17**)

1. Belt of truth

Belt – im det trubala wed blanga God

a) Study and apply God's Word. This helps recognize right from wrong and when a standard is violated. Eph 4:13-15; 2 Cor 10:5; Heb 5:12-14, Heb 3:12-14

Studi en pudim God's Wed la ekshin. God's word album wi bla wekimat wanim rait en wanim rong la yu laif, en yu sabi wen det wed nomo wek la yu laif, yu garram det nogudbala filing.

¹³ en im garra kipgon meigim wi strongbala lagijat raidap wi ol garra jidan en bilib wanwei en sabi det san blanga God wanwei du. En wen wi ol jidan wanwei lagijat, wal wi garra jidan strongbala en wi garra jidan jis laik Jisas Kraiss bin jidan.

¹⁴ Wal wen wi jidan strongbala wanwei lagijat, wi nomo jidan laiga lilwan biginini weya nomo sabi enijing. Ola lilwan biginini bilib langa enijing, en ola laiynbala gin kaman en trikibat olabat en meigim olabat bulurum det nogudbalawei.

¹⁵ Wal wi kaan jidan laiga lilwan biginini, en wi kaan tok laiynbalawei du. Wi garra dalimbat miselp det trubala wed en laigim wi braja olabat brabliwei. Lagijat na wi garra growimap miselp raidap wi jidan seimwei laik Jisas Kraiss, dumaji im na det hedpat en wi det bodipat, (**Ifishans 4:13-15**)

⁵Bat det enami nomo pipul. Mi fait langa laiyan wed, en mi oldei bidim detlot laiyan wed, en mi oldei tjakidawei ola praubala wed weya stapam pipul brom sabi God, en mi oldei go shotkat langa detlot nogudbala wed weya pipul jingabat, en mi oldei tenimran detlot wed blanga meigim olabat duwit langa det wed blanga Jisas Kraiss. (**2 Kor 10:5**)

¹²⁻¹³Brom longtaim yumob bin bilib, en yumob bina jidan titja na. Bat najing. Yumob nomo titjibat enibodi, dumaji sambodi garra stil kaman en titjibat yumob detlot feswan wed brom God wed.

Wal yumob jidan jis laiga lilwan beibi, dumaji yumob nomo sabi wanim God wed tok. Wen enibodi oldei dringgimbat milk en nomo dagadagat strongwan daga, wal wi sabi im lilwan beibi, en im nomo sabi wanim rait en rong. En im lagijat du langa yumob. Yumob bina dagadagat strongwan daga. Bat yumob stil dringgimbat milk, en yumob jis laiga lilwan beibi, dumaji yumob nomo sabi det wed weya im dalimbat wi wanim rait en wanim rong.

¹⁴Wal wi sabi det strongwan daga im oni blanga pipul hubin growap. Detkain pipul na sabi, dumaji dei oldei lenim miselp brom God wed wanim rait en wanim rong. (**Hibus 5:12-14**)

2. Breastplate of righteousness

Speshalwan shet – Wi garra oldei dum ebrijing raitwei

a) Requires identifying and removing sin from our lives. Eph 4:22-24, 27; 1 Jn 1:9

Wi garra luk en jinggabat wanim ola nogudbala ting brom wi ronwan laif en tjakidawei.

²² Wal yumob lafta tjakidawei det olbala laif blanga yumob weya yumob bin oldei jidanbat bifo, dumaji detlot nogudbalawei blanga yumob bin oldei meigim yumob laif brabli nogud.* ²³ En yumob lafta larram det Holi Spirit meigim yumob hat en main nyubala, ²⁴ en yumob garra meigim yumob laif nyubala jis laik yu werrimon nyubala klos wen sambodi gibit langa yu. God bin gibit yumob det nyubala laif blanga meigim yumob jidan gudbalawei, nomo garram enijing rong seimwei laik im. **(Ifishans 4:22-24)**

²⁶ En if wi temperap, wal wi nomo wandi larram det ting meigim wi duwit,* ²⁷ en wi kaan temperap oldei raidap sangodan, dumaji wi nomo wandi gibit tjens langa det boswan dibuldibul. **(Ifishans 4:26 en 27)**

⁹Bat God im oldei jidan trubala, en im oldei gibit feyago, en if wi onap langa im blanga ol detlot nogudbala ting weya wi dumbat, wal im garra larramgo wi fri brom ol detlot nogudbala ting, en afta im garra andimwei det nogudbalawei blanga wi. **(1 Jn 1:9)**

b) Put God first. Be in unity with Him. Mt 6:33, Eph 6:18

Meigim God nambawan langa wi laif en langa ebrijing en jidan mijamet garram im.

Methyu 6:33, Ifishans 6:18

³³ Wal yu garra jinggabat God basdam en bulurum imwei, en im na garra gibit yu ol detlot ting weya yu wandim. **(Methyu 6:33)**

¹⁸ Wal yumob garra oldei dum ol detlot ting na, en yumob garra oldei prei langa God du en askim im blanga album yumob, en yumob garra oldei larram det Holi Spirit lidim yumob wen yumob prei, en yumob garra oldei wotjim miselp en nomo slekap. Yumob garra oldei prei blanga ola Kristjan pipul, **(Ifisans 6:18)**

3. Feet shod with the gospel of peace

But – Wi garra oldei jidan redi blanga dalimbat det gudnyus

a) Live in peace with God and others (walking in forgiveness).

Eph 4:31-32; 2 Cor 2:10-11; Heb 12:15; Jn 17:21

a) Yu garra jidan gudbinjiwei garram God en najalot pipul (en oldei larramgo fri langa enibodi)

Ifishans 4:31-32, 2 Kor 2:10-11, Heb 12:15; Jn 17:21

³¹ Wal wi kaan kipgon heidimbat enibodi, en wi kaan temperap en gitwail langa enibodi, en wi kaan jinginatbat nogudbalawei langa enibodi, en wi kaan tokabat enibodi nogudbalawei, en wi kaan tok blanga enikain nogudbala ting garra hepin langa enibodi. ³² Wi garra libum ol detkain nogudbala ting, en wi garra jidan gudbalawei. Wi garra kain langa ebribodi en laigim olabat, en wi garra larramgo olabat fri brom ol detlot nogudbala ting weya dei dumbat langa wi jis laik God bin larramgo wi fri thru Jisas Kraiss. (Ifishans 4:31-32)

¹⁰Wal ai dalim yumob na. Yumob garra larramgo det men fri na. En wen yumob larramgo im fri, mi larramgo im fri du. Bat aibin olredi larramgo im fri. En aibin larramgo im fri lida langa Jisas Kraiss, dumaji ai wandi meigim yumob ol jidan gudbinji mijamet. ¹¹En ai wandim yumob garra jidan lagijjat, dumaji wi sabi det plen blanga Seitin, en wi nomo wandim im garra bidim wi. (2 Kor 2:10-11)

¹⁵Wal yumob garra meiksho yumob nomo tenawei brom God weya im brabli kainbala langa wi, en yumob garra meiksho yumob kaan abum nogudbala filing insaid langa yumob blanga enibodi, dumaji detkain filing im jis laiga jigiwan tri weya growap en poisinim pipul en meigim trabul blanga olabat. (Hibrus 12:15)

²¹En ai prei blanga olabat holot wulijim dei garra ol jidan wanbala. Ai wandim olabat garra jidan wanbala garram yunmi jis laik yu jidan garram mi en mi jidan garram yu. En ai wandim olabat garra jidan wanbala wulijim ola pipul langa dijan wel garra bilib yubin jandim mi. (Jon 17:21)

4. Shield of faith

Shild – Wi garra oldei bilib brabliwei en nomo larram enijing brom det boswan dibuldibul tatjim wi.

a) Faith comes from hearing the Word of God. Rom 10:17

Yu garra jidan strongbala en oldei bilib brabliwei wen yu lisiin God's Wed brabliwei.

¹⁷Yumob sabi na? Pipul bilib langa Jisas Kraiss dumaji dei irrim det wed. En dei irrim det wed dumaji sambodi oldei go en dalibat olabat det wed blanga Jisas Kraiss. (Romans 10:17)

b) Guard your thoughts. 2 Cor 10:5; Phil 4:8

Yu garra oldei lukaftumbat yu main en jinggabat yu main gudwei.

2 Corinthians 10:5, Falipiyans 4:8

⁵Bat det enami nomo pipul. Mi fait langa laiyawan wed, en mi oldei bidim detlot laiyawan wed, en mi oldei tjakidawei ola praubala wed weya stapam pipul brom sabi God, en mi oldei go shotkat langa detlot nogudbala wed weya pipul jinggabat, en mi oldei tenimran detlot wed blanga meigim olabat duwit langa det wed blanga Jisas Kraiss. (Sekan Korinthians 10:5)

⁸Wal main braja olabat, wanmo ting ai garra dalim yumob. Yumob garra oldei jinggabat ola gudbala ting weya meigim pipul gudbinji. Yumob garra oldei jinggabat ol detlot ting weya jidan trubala, en ol detlot ting weya pipul rispek, en ol detlot ting weya rait, en ol detlot ting weya nomo garram enijing rong, en ol detlot ting weya jidan brabli gudbala, en ol detlot ting weya meigim pipul gudbinji. **(Falipiyans 4:8)**

c) Practice praise and worship, prayer and fasting. Ps 22:3; Mk 9:28-29

Kipgon traiyim preis en weship, preya en gibitap la fud.

Ola Saam 22:3, Mak 9:28-29

³ Bat yu na det holiwan God, en yu jidan det brabliwan bos, en yu pipul langa Isreil oldei preisimbat yu. (Ola Saam 22:3)

²⁸ Afta na Jisas bin gowin insaid langa haus, en im wekinmen olabat bin askim im miselp, "Wotfo melabat nomo bin andimwei det nogudbala spirit brom det lilboi?"

²⁹ En Jisas bin tok, "Yu kaan andimwei detkain nogudbala spirit. Oni garram preya yu gin andimwei detkain." (Mak 28-29)

5. Helmet of salvation

Speshalwan het – Wi garra jingabat weya God bin seibum wi.

a) Our identity is in Christ; we belong to God. Heb 13:5-6, Rev 12:11

Hu wi in Krai, wi jidan garram Dedi God. Hibus 13:5-6, Reb 12:11

⁵ En yumob garra sedisfaid garram detlot ting weya yumob garram en nomo laigim mani detmatj, dumaji God bin tok, “Ai kaan libum yumob. Ai kaan gowei brom yumob.”* ⁶ Lagijat na God bin tok en blanga tharran na, wi garra meigim miselp strongbala blanga tok, “Det bos na oldei albumbat mi. Ai kaan bradin blanga enibodi, dumaji nobodi kaan dum enijing langa mi.” Lagijat na wi garra tok. (Hibus 13:5-6)

¹¹ Bat ola Kristjan pipul bin win. Deibin bidim Seitin garram det blad blanga det yangwan ship. Deibin win, dumaji deibin bulurum det wed blanga God olawei. Dei nomo bin slekap, najing. Nomedasambala bin wandi kilim olabat dei nomo bin gibap. (Reb 12:11)

b) Submit to God’s authority; allow the Holy Spirit to direct you. Jm 4:7-8, 1 Pet 5:9

Gibit ebrijing du God im na bos, larram det Holi Spirit shoum yu wujei bla go.

Jeims 4:7-8, 1 Pida 5:9

⁷ Wal blanga tharran na, yumob garra gibit miselp langa im, en yumob garra jandap strongbalawei langa Seitin blanga meigim im gowei brom yumob. ⁸ En if yumob wandim God garra kaman en jidan garram yumob, wal yumob garra bulurum im, en afta im garra kaman langa yumob. Wal ol yumob Kristjan pipul garra stap dumbat ola nogudbala ting. Yumob oldei jingabat dubalawei en yumob garra tenim miselp brom detkain en jingabat oni wanwei. (Jeims 4:7-8)

⁹ Wal yumob garra jandap brabli strongbalawei weya yumob bilib langa Jisas Krai, en yumob kaan larram det dibuldibul deigidawei yumob, dumaji yumob sabi ola Kristjan pipul ebriweya langa dijan wel oldei go thru langa det trabul du. (Fes Pida 5:9)

6. Sword of the Spirit

Bigbala Naif - Wi garra oldei garrimap det wed blanga God langa wi main.

a) Become skilled in knowing and using specific verses to defeat the enemy. Eg Lk 4:1-13
Larram yu brein sabi en yusum difrinwan bes bla gibit seitin blekai.

Luk 4:1-13 (Seitin Temptimat Jisas)

b) There is power in the name of Jesus. Mk 16:17, Lk 10:17

Deya pawa bla det neim garram Jisas. Mak 16:17, Luk 10:17

¹⁷ En detlot pipul hu bilib garra dumbat olkain klebabala ting. Dei garra andimwei dibuldibul wen dei yusum main neim, en dei garra tok difrinkain langgus, ¹⁸ en if sneik baidim olabat wen dei holdim garram olabat bingga, det sneik kaan ardim olabat, en if dei dringgim poisinbala, wal im kaan poisinim olabat, en wen dei garra pudum olabat bingga langa sikkala pipul, God garra meigim olabat gudbala.” Lagijat na Jisas bin tok. (Mak 16:17 en 18)

¹⁷Brom deya detlot 72 men bin go langa ol detlot taun, en wen deibin kambek langa Jisas, deibin brabli gudbinji, en deibin tok, “Bos, wen melabat bin yusumbat yu neim, ol detlot dibuldibul bin duwit wanim melabat bin dalim olabat.” (Luk 10:17)